



留別蝸寄斗室

有小序

三月三日

得闕街齋湫隘余委蛇于方丈斗室中忽  
有二年身心微藐隨適自安每當據案誼吟臨  
窻揮灑坦、落、得意忘形幾不知此外天之  
高地之廣也室乎室乎余於爾斗室量合蝸寄  
署之名稱實矣茲則適將去汝仰屋悽然昔人  
云太上不忘情余之徯徊留連沾、于章句者  
亦此意耳

宛其室矣欲需襟窻几周旋十載心養拙真同蝸在殼  
等身恰似芥投鍼盆花一樣逢春色燕壘仍來歸社音



討古探今天外興新詩千萬此中吟

自題畫翁贈郭錦純縣尹序 三月三日

余將有粵海之行原任湖口令郭錦純由合肥  
千里差人相送兼覓得龔芝麓先生家集見遺  
情致宛轉悵然動故舊之感爰寫餅菊覆酬并  
綴小詩示意 錦純江南廬州府合肥縣人任總埠

幾年束帶同察采歸去來辭先我吟籬落固知清有伴  
思君寓寄九秋心

其二

千里書來慰遠思江天海國悵臨歧詩情盡意形神會

想見懷人倚檻時

題石鑑小照小序

三月初四日 是月初九日龍洞河登舟

友人汪南橋諱杰徽人僑居湖北武昌善鑄雕  
之伎庚午仲春詣余溇權官舍携得京山石為  
余作一小照長六寸許形神逼肖坐泉石古柏下  
右作稚子長春保暨凌雲二達兩雛孫嬉于側  
或坐或立或背負或躡蹠有天然意致旁立阿連阿  
節二小僮各執茶具躍欲動神乎伎也余顧  
而樂之因鑄識三十三字於座後石壁上

官耶民耶陶耶權耶山林耶城市耶痴耶慧耶貴耶賤



耶或曰鳩寄耶余曰否否石也

將之粵東留別江州太守劉嘯谷二首

三月十一日  
龍河

乾隆庚午季春嘯谷先生以翰苑詞臣特簡

命臨歧握手無任黯然因成里言二章留別情見

乎辭也錄呈教正 嘯谷劉諱炳壬戌科翰林北直任印人

同方同志近名賢旋合旋離傾蓋緣五馬符分金馬客  
黃堂部領玉堂仙清流道脈通瀛海化雨春風自木天  
顧我依劉空有願鴈迴人遠路三千

其二

夢得風流甫識荆雙旌悵我指羊城來何暮也黃童語  
樂不支予綠野耕五屬福星新太守九年

天子舊門生 先難後科 建牙開府重相遇好憶纏絲此日情

題江州司馬汪少曾雙清圖小照兼以留別 三月十三日  
龍河

司馬徽州休寧人與余同官江州五載相得甚

歡寫其照于蒼松翠竹間故以雙清名圖

清人清興繪清園人興雙清俗累無漢廣江深心境澹  
天空雲白宦情殊竹堅勁節今君子松挺高風古大夫  
着箇潯陽司馬在香山千載可為徒

其二



陶權匡壽十度秋青衫司馬附邀遊竹苞松茂思君也  
梅嶺羊城憶我不人境雙清涵雅量雲帆一葉載離愁  
桃花潭水情何限夢繞春風江上州

將之粵海王右石貢生以詩餞送和此答謝

三月二十日  
龍河舟中

右石名安國別號鶴亭德化人乃尊曾為縣令  
家在湓浦趙公橋畔端謹自愛鄉評推為第一人

依、楊柳草芊、惜別情緣十二年逝水嬾雲分手處  
零風碎雨落花天報酬老我輕南海高尚輸君卧輞川  
他日趙公橋畔過溯洄好認故人船

龍河舟中夜坐聽雨時將有粵海之役

三月二十日

客天更遠三千里水意山情一往深  
嬾解禽言清老耳怕看蟻陣逗爭心  
前途柳換江州綠行索詩添嶺表吟  
此去得隨觀海志蒼茫浩滌滌塵襟

其二

絮落花飛三月中浮家停泊待長風  
煙籠岸柳春千縷雲壓江波雨一篷  
宦興並濃詩卷厚課程未減夜燈紅  
勞臣不老閩山力抖擻心神早粵東

龍關河舟中聽童子彈琴

三月二十日

春將歸也人將去湓浦風光逗苦吟  
白髮早粧勞吏面紅塵未染野雲心  
鶯花倩欠江州遠筆墨緣隨嶺表深



操縵蓬窓僮子課高山流水入鳴琴

蓬窓書懷

三月二十四日

此生知遇 主恩優老大寧辭嶺表遊謁非誇馳  
驥足龍鍾豈為戀羊頭廿年陶榘忘鬢髻萬里關河重  
報酬贏得皇華無限樂粵山粵水供吟眸

庚午暮春將之粵東龍開河舟泊兼旬解纜前一

日口占二律別之

三月二十九日

雲流水逝意偏閒浪跡兼旬溢浦灣  
鐙火光聯漁火近野情澹擬鷺情頑  
琵琶亭上今成客庾亮樓頭舊是班  
此去羸人得自處揚帆飽看粵東山

其二

江州携去滿囊詩半柳枝詞半竹枝  
白髮童心淡青山歸夢遲文章無術  
功名媿風雅多情雲水知只為生成  
圖報稱蠻鄉瘴海老何辭

留別李仙盤監司

有序

四月初四日

數十年骨肉知愛一旦分携江郎所謂黯然銷  
魂者似覺淺之乎言別也茲則衝口成喃語二  
章固知不免鄙拙然至性流露無暇計耳

感叨重惜媿惺有定心交無定形漂母祠邊欣御李

余於乾隆元年與先生訂交于淮陰

滕王閣下嬾揚舲

今於十五年四月判袂于洪都

匡尋眾妙君遊地



烟水蠅仙我憶亭先生建來妙蠅仙二亭於甘棠湖上工未竣而余適奉量移身遊之命勝情韻舉不及一見臨岐曷勝慨然 筍綠  
櫻紅嶺表路斷魂鷓鴣不堪聽

其二

交情深合等閒看分袂纔知去住難相賞琵琶彈熱淚  
獨憐陶稚老塵官仙舟久附春風座近日浮家遠道而江湖濟渡之重四字庇先生濟川才德余實雲被無窮  
鄴架常窺化雨壇翠照軒中重駐節湖光山色自憑欄

翠照軒在烟水亭面對匡廬為江州第一勝地乃先生行部居停處也

舟過大孤山口占

四月初四日

蠡口奇峯隻履傳以其形似履相傳名之為鞋山 中流砥柱勢參天影分孤  
屏水搖塔青擁一湖山滿船五老南臨飛古翠雙鐘北

望失寒烟卓然無倚凌波立仰止高風十二年

大孤山乃余權政部領之地十

二年亦及一登噫余誠僖父也

庚午清和月之六日舟泊青山候風登道華寺峯

巔望鄱湖匡廬即景有作

道華寺志乘原名桃花寺迎陵初上改為道華寺

停舟登古寺高處敞虛明四面千山小連天一水平僧  
龕叢竹隱樵逕野雲生到此忘身世曾塵萬斛清

大孤山

四月初六日

孤峯矗立水中天開闢磨礮蠡口烟我欲扁舟携載去  
他年也省買山錢

留別彭樂君方伯

四月二十三日 舟次樟樹鎮



離情古調記鳴琴西江諸寮友祖錢余於江垂老天涯得賞音前路  
人孤難峽月臨歧酒醉去留心十年夢寐形神合萬里  
關山雲水深景是銷魂西竺寺不堪回首幾沾襟司道總領儀

其二

滕王閣下唱驪駒去路低徊意興孤面目逢君臨水鏡  
肝腸照我坐冰壺形端窈窕諸侯冠化被蒼生天子  
俞何日憚懷歸夏屋震風凌雨庇桑榆

南昌令顧孝威又號孝夫婦五十雙壽友人製屏索詩

為賦七律二首

四月二十七舟次峽江縣寄回

洪都仙客政維新大衍居中合化神乾健坤寧開壽域

眷齊業舉樂熙春當年並兆熊蛇吉此日同歌父母真  
竿捧公堂多赤子競傳連理勝靈椿

其二

鳳鸞聲響下遙天調叶鳴琴譜舜絃身是玉皇香案吏  
配來金母掌書仙篤生早識成嘉耦入世還應共大年  
逢我辟疆重致祝喜添蘭桂滿階前

舟過吉安府文信國故里口占二律吊之

五月初二日

狀頭宰輔尋常事奇節孤忠豈等閒正氣歌長喧吉水  
丹誠日皎照匡山固知時勢興亡切要度臣心生死關  
南北向枝寒暖異新朝濤舊寮班



其二

刺水殘山宋有人山殘水刺事功新鷓班鳳閣多高爵  
虎窟龍潭幾挺身臣力臣心柴市了書忠書節簡編真  
先生故里輕舟過荒壑斜陽獨愴神

庚午端陽舟泊萬安縣候風即事書懷

五月初五日

萬安城下旅情安浮蕩江湖心眼寬蒲柳安且蒲柳節  
權陶人稱權陶官懸弧門憶五千里行役身輕十八灘  
酬報忘年偏矍鑠蓬窓統郝祝清歡

庚午端陽日錄寄彭李即三故人  
去記

題虔州包別駕石牀松煙寓形圖小照

五月十一日

別駕包濤字春河浙江仁和人

虔州別駕知名久說項詩人墨客口風塵學者老權官  
摹形擬興神抖擻皇華粵海歲在庚飄挂火雲冒暑走  
十八灘頭八境臺熟路啞然逢清友班荆却喜石為牀  
傾蓋何如松覆首青松白石宦途心君心君外我知深  
白衣山中且有相靖節高尚原冠簪軒冕遂初丈夫志  
天閒境澹即山林山林樂不在深密功名何須定崇秩  
大成小就有堪傳千秋之得一時失君不見君家孝肅  
舊官聲一笑人比黃河清浩春河續派脈源深流遠  
濟蒼生飛躍鳶魚天濬定臣心似水隨虧盈

庚午五月十六日舟次南安登東山道源書院訪



山長黃思亭清話兼聽僮子鼓琴口占一律留別

道脉興賢地琴擁百城亭  
臺懸樹杪雲空列櫓極迴  
鴈梅關近尋源章水明  
更逢黃叔度鄙吝此全清

庚嶺絕頂口占 五月廿一日

升木梯雲鳥道遲  
路行心事各人知  
山迴水轉分疆域  
纔是天空海濶時

南雄早發口占識事 有小序

五月二十日

庚午五月望後二日發江西之南安府度庾嶺  
抵廣東之南雄府南乃瀘水發源處也嶺峻

源高建瓴水勢涓涓瀑瀑率皆尺寸之溪灘惟  
視雨澤為消長往來者皆乘駭載舩淮溪中行三百  
餘里過始興縣至韶州府水滙珠江方得揚帆  
直達會城近因雨歎水涸濟渡維艱余甚徬徨  
不謂登舟之前一夕忽爾山雨滂沛灘溪驟漲  
竟有通舟之勢余以王程不敢稽滯解維長行  
口占一截志幸也

涉灘陟嶺到南雄垂老皇華又粵東  
天地有情憐客况  
添波時雨順流風

南雄舟行即事

五月二十日



嶺攀霄漢路終通  
高處波瀾洄轍同  
分寸水中憑進止  
恒河沙裏耐磨礱  
炎方雨過秋生暑  
時遇暴雨淺瀨舟扛肩  
是蓬沙壅水淺舟不能行適得時雨  
又僅沙夫百名扛舟而行數十里決取西江活潑志  
星槎飛渡日  
華東

舟次韶州府恭閱

綸音紀恩

五月二十三日

上諭粵海關稅務繁重唐英年近衰老恐精力不能周到總督陳大受仍着協同管理庶  
吉士寅保着帶原銜前往廣東幫助伊父辦理關務欽此 五月二十三日韶州張道台達見報

異數遭逢體恤周  
恩綸飛遞到韶州  
鬢眉老態無庸  
諱事業官評敢望優  
萬里君門紅日近  
半生臣職客  
星浮寸心高厚難為報  
咫尺天顏凜海陬

舟次清遠峽雨中望飛寺口占

本名峽山寺

五月廿六日

名山飛古寺峽水又飛艘  
風亂雲填壑烟迷雨渡江  
棹

歌搖港瀨晝漏滴蓬窓遠  
引遊人興鐘聲樹杪撞

遊峽山寺登飛泉亭觀瀑題志辭上

五月廿六日

瀑訪飛來寺銀河樹杪懸  
雷霆轟殿角珠箔挂檐前  
溪轉玉龍走磴高霄漢  
連伐毛堪洗髓塵吏擬登仙

題坡山八景小序

八月初七日

都統馬公署中有園亭樓臺池沼欄檻山石更  
兼時花竹木頗有幽致頌景八所俱堪遊覽都  
統倩名手逐所繪圖凡一時名公鉅卿無不賦



詩題志都統邀余遍覽因出其八景圖冊索題  
率成八截句應之相傳蘇長公常居于此故名曰坡山  
紫霞青嶂 一

霞蔚雲蒸林壑閒水澄曲沼碧灣環坡仙留得真圖畫  
又見將軍著色山

逸情烟雨 二

烟、雨、湖、山、景、淡、濃、遊、覽、情、胸、有、林、泉、隨、境、會  
主人逸興想孤清

春暉晚霧 三

空濛如畫罨樓臺花柳迷離鏤不開燕、鶯、新、鼓、吹

東風時送好音來

射圃秋雲 四

金作僕姑玉作貂太平海宇陣雲銷秋風萬里吹西序  
緩帶輕裘獨射鵰

飽山晴瀑 五

巖巖當葉陳清供泉瀑垂檐試茗卮飲食探奇恭至味  
晴窓捫腹沁詩脾

涵虛映月 六

碧天浸水片雲無池上行吟花影扶攬得海珠波底月  
仙人樓閣隱人壺



畫舫錦鱗 七

米老曾傳書画舫不聞問水訪蒙莊天機活潑知魚樂  
濠濮襟期廣漢鄉

坡山晚照 八

小小亭臺小小池因人傳地地傳思梁園金谷斜陽外  
爭似坡山畫裏詩

題畫七首 八月十六日

英德石丈

奇石如人歲序遙米顛不遇獨蕭寥空山斜月肩常荷  
古木歸雲杖每挑鬢青蒼苔蘚補形神透漏雨風離半

生多少違心拜此老總堪一折腰

望五層樓 樓在廣城北觀音閣之左

萬疊雲山萬里秋五羊城上五層樓登臨懶向樓頭望  
恐惹西風身外愁  
觀音閣對五層樓水態雲容撫檻收慧眼上乘天近遠  
雲飛水逝幾曾留

鮮荔枝

紅荔磯頭泊使船晶丸猩殼薦盤鮮色香味裏象身世  
結果惟期似此全  
五月南州荔子丹炎途齒頰玉漿寒北人漫笑初相識



順風順水兩

如通東去

西來快意

同寄語飽

帆船工客來

朝未必是東

風

七十年來盡早看

梅花宿鳥

時禽擇木立枝頭先占春風第一流古韻清標棲息穩  
花魂香夢引羅浮

蒲桃松鼠

藤蔓如龍實似珠西涼釀供擬醜翻風搏露況累熟  
擾亂秋棚恨野鷗

○初至粵海中秋風雨即事

風生颶母天南海客與偏當節序關人事原無三日定  
秋光已見一分殘非關雞肋名心澹豈畏羊腸道路難

盼得一年今夕月蠻雲瘴雨鎖清寒

○重陽前五日粵海權舍感成二首

適幕友沙思亭去

雲散碧天秋行歲問白頭宦情山北向世態水西流花  
發蜂爭釀庭閒鶴伴遊登高心眼豁指日五層樓

○其二

海泛枯槎遠蕭疎不似官秋憐蛛結網春筵蝶成團娛  
老書千帙磨愁墨一丸嗜領鄰統拜舞問清安

命以庶常銜助理權務携其媳與孫子孫女輩遠自京師抵署

適寓兒

庚午九日鎮海樓登高題辭二首

即五層樓也

逆旅登臨偷翫閒憑闌靜寄對禪關

樓西南有觀音閣古與王基故址也

模糊



躋古題名句突兀樓高占好山  
仙跡白雲間樓對江有白雲山秦時安期生成道飛昇處無花盈把漸陶令故國東  
籬望眼還

其二

粵山粵水供吟眸此日登高一望收  
蕭洒連朝菊圃雨  
蒼茫萬里海門秋六榕寺隱雲埋塔  
光孝聲飛鐘出樓  
更見梅園如畫裏西風較獵記曾遊  
梅園乃鎮粵將軍錫大人別墅中蓄鹿成羣是歲秋初借會城各憲遊獵園中主人烹鹿享客兼以肥脛分惠六榕光孝古招提名

○庚午重陽都統馬天義文人坡山招飲登高賦謝九月初十日  
九日坡山奠酒香將軍座許孟嘉狂黃雲白水秋容肅

碎雨零風鴈陣長菊殿晚芳隨意淡詩探醉膽不知忙  
淒清未減登高興鎮海危樓獨望洋是日清晨獨登五層樓望海

祝和珍大將軍壽

九月二十一日

東進安期降白雲光搖南極動星文壽延甘谷黃花酒  
名勒麒麟畫閣勳海釣山控狂權吏書城筆陣大將軍  
羨君不忤輸君處武緯文經世眼分

○即席和劉大人延清司贈將軍原韵

十月十日

雄風海量浩無根帷幄謀兼筆墨軍將軍詩字並妙光紋圓明  
珠浦月績微瑞慶嶺南雲臯比大勇羞談劍雅會鴻儒  
喜論文庭有餘芳森玉樹是日將軍出其啓齡嗣君談詩作字一座嘆羨橙黃橘綠



異香聞

折府署亭園中黃橙供之紫頭盈室生香

○十月十九日奉陪劉延清司空錫和珍將軍馬義

文曹宗文都統程海蒼吳崑田學院登鎮海樓

題壁二首

馮虛重此倚危欄

余是歲重陽日登高曾于此樓有題壁二律

高處回看步履難山

對白雲千疊淡樓臨珠海五層寒望洋天水真毫髮俯

地村墟只彈丸漫笑禿鳩無健翮孔鷩行隊許盤桓

○其二

五層樓上擬扶搖列宿光分近斗杓萬事難憑羊石幻

一身無定海門潮秋深春夢風鷩逗

風鷩之戲北地在春初粵東在秋杪嶺外鄉

書鴈字遙勝地勝情忘老大頻未抖擻步偏趨

○夜遊光孝寺即事

十月十九日

塵中老權吏世外

寺內有古柏歡場丸竈烹茶美僧厨煮菜香金

粧佛面菊玉砌講臺霜風詔慈

恩溥人天極樂鄉

是日同接恩詔事竣過寺訪定宗方丈

○其二

落日蒼葭外僧冠雅集時秋過方見菊花好可無詩色

野依人淡香寒上座遲會心相賞處何必酒盈卮

寺有黃花數本甚佳僧出伊蒲之供清茶淡話頗有逸致

○漫興 十月二十四日



百年踪跡感流萍，形役心勞半醉醒。世事難圓秋後月，  
交遊易散曉來星。丰神淡愛經霜菊，器量拘憐守口瓶。  
鷗鷺機忘堪嘆羨，夕陽冉冉下遙汀。

○庚午仲冬馬羲文都統招同程海蒼宮庶吳鄭公  
學使遊白雲山即席賦謝兼以留別

十一月初首

雲屏山幕繞轅門，玉帳油幢一過存。萬里海氛銷白日，  
三軍武備靖南坤。到來不遠偏縈思，別未經旬也斷魂。  
細柳斜暉如解意，莫教容易便黃昏。

○遊白雲山小態瀛泉寺和吳鄭公學使原韻  
將軍召客白雲隈，座上香分度嶺梅。眼放名山增氣象，

心空淨界絕氛埃。飛來野翠連滄海，化去仙踪剩古臺。

相傳蒲澗秦時安  
期生飛昇處

伊洛延陵風雅冠，追陪遊屐愧無才。

○小態瀛泉寺即事識薛四截句

白雲山裏訪安期，事到神仙未可知。案牘風塵間半日，  
也如羽化上昇時。

○其二

九節菖蒲老似瓜，白雲兜裏梵王家。瀛泉蒲澗傳仙跡，  
可有千年巨勝花。

○其三

雲隨人去此山孤，人去山孤仙有無。滿目蒼涼今古意，



我來何處覓菖蒲

其四

鐘暗魚睡靜虛堂佛面僧衣  
蔬古光色相非閑瀛水濯  
條一螺一禮空王佛面刺落僧衣  
故及之

十一月十八日 曹宗文都統招同 錫和珍將軍

馬義文都統 張蓮溪監司重遊白雲山送 吳鄭公

學使之任西安即事二首

日對雲山動野情  
晉人風致快浮生  
敢希放達嵇中散  
憑笑清狂阮步兵  
遠宦鬢眉粧老況  
旣吟歲月浪詩名  
鷹揚驥附將軍獵  
倦眼空天又一明  
是日獲野禽甚多同遊諸公俱

有分惠

其二

澗底仙蒲九節紋  
我來何處嗅餘芬  
踰跚隨步離櫳鶴  
舒卷因風出岫雲  
玉帳二難揖傲吏  
詩城三舍避將軍  
戈揮檄草天河挽  
武耀文修靖海氛  
將軍都統年例試砲營寨于白雲山之陽氣象嚴肅整齊將軍都統俱有吟咏甚佳

濂溪石上列坐小飲聽歌二截句 十月十八日

濂溪仙境白雲灣  
山裏遊人人外山  
絃管聲飄流水去  
餘音嫋一落塵寰

其二



交情切、水灣、去路層、疊、山莫聽邊關悲遠調  
伊涼原自在人寰

離送遇兩口占送吳學憲疊韻二首 十月十八日

送客灑泉汗漫遊故人西去不能留陽關未闕三聲疊  
瘦雨蠻雲已淚流

其二

勝會翻回離緒遊他年佳話此時留無端兩漲灑溪水  
去路人愁似急流

遊白雲山途次步 和珍將軍即事原韻 十月十八日

賞心隨處得林泉盛世名臣烟火仙此日白雲山下會

太平人樂太平天

○白雲山即事書懷二首 十月十八日

海徽天涯際太平凱鏡歌變管絃聲百年縱有堪謀事  
三代原無可好名瘕佛頑仙隨放誕佳山野水寄孤清  
片雲頭上催詩雨應挽天河為洗兵 是晚遇雨

其二

偷閒結伴興春容名勝今探第二重醫俗甚于醫病急  
愛山還比愛官濃舊遊過眼殘年曆好景盟心耐冷松  
蒲洵灑泉留客意溪山兩障白雲封

○白雲山送吳鄭公學使之任西安二首 十月十八日



白雲山下意息一好友如雲聚散同迢遞  
河憑夢近纏綿悃悻倩魚通竟銷去路詩難就心醉離筵酒不紅  
樂育英才九載績海南秦楚徧春風

其二

去留暫此判西東東簡在思深答

帝衷玉尺冰心量將相文衡法眼等英雄清光共載潼關  
月長物分携粵海風桃杏門墻時兩化長安日近上林  
紅

仲冬夜官舍對月有懷

十月十日

矯首長空倦眼瞠星河隨照五羊城家於此地八千里

月到今宵七度明窮路何須哭阮籍夷門未必老侯嬴  
鄉心北望南來鴈冀樹燕雲寄遠聲

余駐粵東聯恩七閱日文見於初  
秋回京計今可以抵舍未接家報意甚悵

其二

如水臣心水部官班聯迢遞覺寒酸侏儒縱飽甘雞肋  
曼情雖饑淡鼠肝流水年華多去浪搏沙事業幾成團  
望洋萬里未南海漫笑遼東管幼安

仲冬夜官舍即事

十月十日

卜夜公餘老興狂雛孫稚子擁方床黃橙朱橘堆盤美  
白蜆紅蝦沁酒香敢向醉中誇獨醒聊送閒處讓人忙  
少年場裏真無賴燭影歌聲亂繞梁



庚午長至前一日坡山主人招飲 和珍將軍夫人以帽

簪桂花見贈漫成吳敏二闋奉謝 十一月十七日

（桂枝香） 風流豪爽。名公無兩。詫來朝玉管吹春。奪造化

秋花冬放。揀天香帽上。揀天香帽上。巖仙偎傍。想應是婦

娥嘉貺。助歡場。香分月殿。坡山酒。桂子紛紛。落玉缸。

（前腔） 主賢賓暢。形忘眉放。落雲中。月窟仙葩。歲寒心

花隨人貺。笑娉娉老况。笑娉娉老况。斜簪髻上。儼然似玉

瑩金亮。謝吳剛。塵寰雅重。芝蘭契。欲贈天邊第一香。

長至日 萬壽宮朝賀回署有懷 十一月二十五日

大地陽回一線天。龍鍾拜舞逐班聯。心情此日非當日

目力今年減去年。羃羃青山圍旅夢。鬢髮白髮壓吟肩

春風雨露 君門遠瘴海蠻鄉路八千

奉步和珍將軍虎門外海操憶舊原韻 十二月初一日

經文緯武老元戎。威鎮天南久挂弓。裘帶臯比情落落。

旌旗海國勢熊。詩高寰宇風雲外。心在楓宸魏闕中

盛代梯航歸化育。將軍萬里太平功

覆峇摩慶府山長吳銘佩先生 十二月十日 其原詩抄在此映之前

人未謀面神以道通。捧誦佳章如領提命風流

儒雅真吾師也。至于絕調不敢妄和。俟之異日

當有以報命也。茲謹以近日巴里數十章錄呈

海雲環拱肅元戎。戎次第樓船  
畫柱千丈檣高森劍戟  
犀甲勝龍能震蕩鏡波洪  
濤裏橫漾旌旗卷照中閩



上麟麟誰第一繪圖還奏

水師功 內重一第

摩慶府掌教吳壽延

熙字銘佩和珍將軍

水標原額十六年二月初

三日摩羅道徐先生

寄到

絳帳聊申遙，就正之忱伏望文壇宗匠不吝  
指南使迷途知返頑鉄成金則知愛之感遠勝  
百朋矣祈嚴加刑削塗抹後晚交道憲徐老先  
生處有使人仍復擲下俾得遵循點化對鏡知  
形則沐陶淑之益非淺鮮矣 外附拙刻三種拙書五張

望美人兮天水涯海南詞賦屬君家荒唐笑我忘村鄙  
風雅知君領物華年迫宦情無數減與狂吟兩幾分加  
端州絳帳端人化春徧星巖桃李花

冬杪觀奕

四首 十一月十日

歲暮炎方半暖寒橘中事業費敲彈憑君舉世爭先著

輸我旁人局外觀

機心機械忘機少勝敗何須苦認真收拾楸枰局外想

讓人先着是贏人

騁才得意機關巧避銳攻虛界限清三尺局中誇國手

誰堪將將更將兵

笑我局中七十年何曾一着在人先萬千國手柯同爛

樵子依然聳兩肩

題錫和珍將軍新築小樓額并詩

十一月十三日

和珍大人小樓竣工屬余題額率題山海一樓  
中五字并儼小詩二絕



雲山古翠排窓入白雲岩 珠海晴光撲檻來海珠寺在其南 客約軋  
坤一芥子小樓特為海山開

其二

隨意樓臺對海山 洄環花竹水潺湲 狂呼笑問憑欄客  
還是人間是畫間

題和珍將軍新築小樓二絕句 十二月二十日

小樓結構大方家 曠逸隨緣領物華 海國陽春殘臘動  
主人和兩種梅花

其二

烟籠霞舉一樓山 花柳爭新改歲顏 誰令陽春傳玉帳

不教寒雪度梅關

歲杪和珍將軍小樓清話

十二月二十四日

眼底流光一擲梭 生成報稱嘆蹉跎 年來境遇清歡少  
老去交遊白髮多 寒介嶺梅先後發 興添歲閏短長歌  
新年辛未 相逢且說癡人夢 同在槐安南向柯  
閏五月

庚午除夕口占

七十來朝是行藏 去日知老懷仍落 官况也熙 綵  
換宜春帖 顏酡錢歲卮 詠歌原故癖 恰值太平時







大正





